

星宿天庫星君上應太皇翁重浮容天照臨
周國分野掌海外東天竺國泥婆國狗頭國
并九小國下管人間裁縫衣裳文繡精明刀
劍血光之司

張宿天秤星君上應始皇孝亡天照臨周國
分野掌海外弘誓國訶陵國婆利國并九小
國下管人間宗廟珍寶衣服賜宴賓客寒熱
時炁不和大寒熱父子不睦兄弟不和之司
翼宿天都星君上應顯定極風天照臨楚國
分野掌海外稜伽國婆踵國沒羅國并九小
國下管人間樂府調五音六律水府魚龍飛
走群毛萬類之司

軫宿天塔星君上應太安皇產天照臨楚國
分野掌海外南天竺國躬身國師子國并九
小國下管人間天地明朝哭泣離別官府口
舌凶惡危難之司

右南方七宿朱雀之精

洞淵集卷之八

洞淵集卷之九

沖妙先生李思聰集

上清三十二天帝宮神

太黃皇曾天分東方第一清微天帝元陽之
炁此天炁黃係東方蒼天管天下長生之籍
係欲界

大明玉完天分東方第二禹餘天帝上陽之
炁此天炁綠化生壁宿管天下救度九幽長
夜之魂更生之籍係欲界

清明何童天分東方第三太赤天帝太陽之
炁此天炁青化生室宿管天下演教度人之
籍係欲界

玄胎平育天分東方第四無量天帝係九天
第一青陽天炁此天炁赤化生危宿管天下
召魂入仙之籍係欲界

元明文舉天分東方第五無量壽天帝係九
天第二洞陽之炁此天炁蒼色化生虛宿管
天下流通元炁之籍係欲界

上明七曜摩夷天分東方第六梵監天帝位
通陽之炁此天炁黑化生女宿管天下開通

幽難之籍係欲界

虛無越衡天分東方第七兜術天帝位建陽
之炁此天炁碧化生牛宿管中天星宿宮神
仙之籍係色界

太極濛濛天分東方第八不驕樂天帝位東
極陽之炁此天炁紫化生斗宿管天下度鍊
朽骸之籍係色界

赤明和陽天分南方第一化應聲天帝位始
陽之炁此天炁白係南方梵炁管天下鍊仙
成真之籍係色界

玄明恭華天分南方第二梵輔天帝位陽暉
之炁此天炁黃化生箕宿管天下一切萬物
變化之籍係色界

耀明宗飄天分南方第三無愛天帝位陽暉
之炁此天炁綠化生尾宿管天下舉功行學
仙之士文籍係色界

竺落皇笏天分南方第四答怒皇曾天帝位
陽明之炁此天炁青化生心宿管天下魔王
學仙之人名籍係色界

虛明堂曜天分南方第五梵明天帝位陽演

之炁此天炁赤化生房宿管天下天仙地仙
成功之籍係色界

觀明端靖天分南方第六摩羅和天帝位陽
明之炁此天炁蒼色化生氐宿管天下仙人
身名之籍係色界

玄明恭慶天分南方第七億羅天帝位陽浩
之炁此天炁黃色化生亢宿管天下學道至
人之籍係色界

太煥極瑤天分南方第八那育天帝位陽極
之炁此天炁碧色化生角宿管天下教道仙
人之籍係色界

元載孔昇天分西方第一梁梨恭首天帝位
少陽之炁此天炁紫係西方梵炁管天下度
魂更生之籍係色界

太安皇崖天分西方第二耒天帝位太陽
之炁此天炁白化生軫宿管天下開度善人
昇仙之籍係色界

顯定極風天分西方第三首為稽那天帝位
浩陽之炁此天炁黃化生翼宿管天下苦魂
善魄之籍係色界

始皇孝芒天分西方第四阿那迦波羅天帝
位洞陰之炁此天炁綠化生張宿管天下九
幽長夜之魂鬼籍係色界

太皇翁重浮容天分西方第五波羅離和天
帝位通陰之炁此天炁青化生星宿管天下
召魂集真之籍係色界

無思江由天分西方第六梵明元黃天帝位
玄陰之炁此天炁赤化生柳宿管天下開度
長夜死魂之籍係色界

上樛阮樂天分西方第七蔡釋元天帝位浩
陰之炁此天炁蒼色化生鬼宿管天下品量
天人功行之籍係色界

無極曇擔天分西方第八阿梨想天帝位極
陰之炁此天炁黑色化生井宿管天下一切
神仙品位之籍係色界

皓庭霄度天分北方第一答想天帝位陰生
之炁此天炁係北方梵炁其炁紫管天下拔
度至人昇仙之籍係色界

淵通元洞天分北方第二扇明民天帝位陰
化之炁此天炁紫化生參宿管天下人昇度

天人品位之籍係色界

太文翰寵妙成天分北方第三梨那天帝位
陰明之炁此天炁白化生室宿管天下統掌
神王鬼錄之籍係無色界

太素秀樂禁上天分北方第四梵括太括天
帝位洞陰之炁此天炁黃化生畢宿管天下
魔王名品之籍係無色界

太虛無上常融天分北方第五阿尼始天帝
位陰靈之炁此天炁紫化生昴宿管天下記
功度人昇仙之籍係種民天

太釋玉隆騰勝天分北方第六頃達天帝位
陰魂之炁此天炁青化生胃宿管天下仙真
大聖品位之籍係種民天

龍變梵度天分北方第七元梵項帶大婚天
帝位陰結之炁此天炁赤化生婁宿管天下
進仙成聖之籍係種民天

太極平有賈奕天分北方第八釋繹自然天
帝位乃陰極之炁此天炁蒼色化生奎宿管
天下學仙姓名功績之籍係種民天

右三十二天畢

具官三界事跡

夫三界者欲界色界無色界號曰三界也初下六天為欲界中一十九天為色界此二界劫數所為陰陽所陶然有窮盡上有三天為無色界人有識數外有四種民天曰至上至無上大羅之天皆結虛無清淨之炁化生此天陽光照之無日月之過焉此天之下即有晦明昏

洞淵集卷之九

洞淵集卷之一

龜山長谷子著

和五

至一書上

重玄篇第一

重玄照曠謂之混冥至妙乘光是以無上流衍於太極之前固存於終滅之後色累天地彌塞四夷猶未始職未形冥有樞兆有彼雜然芒乎易乎肅肅赫赫化生物品應感羣情巍巍乎不可名象故得之者未敢以辯飾知之者輒敢為輕微廉慎而保恬愉而處當時而大行周盡一體靈變無窮神之莫測而能精之至矣

純素篇第二

純素寂然貴精全神養氣於澹漠藏志於虛曠悠悠乎天地之間物不能雜倚伏俛仰不失其實處尊顯而不悅貧賤而不惡水火四時難盜其真是謂有德而知天之所謂也然後知大玄知大倫知大清知大德知大持知大行知大朴知大智知大寧知大達至矣大玄蹈之大倫稽之大清居之大德牧之大持

廣之大行逝之大朴成之大智深之大寧守之大達貴之十事精通粹之極也故曰無不可也無不妙也泯然無思澹然無為是其吟

致道篇第三

致道天成而無極无際汪洋汗漫充滿六虛逮遊乎四海之外或觀或倚兮無影豫章之樹以盤以遊兮三秀長生之苑其踞於希及至一之門蕉實偃然冥伯洞庭之巨室浮定出入逍遙乎大方曠垠之野其處無端斯人也斯倫也物莫之傷何往而不至又不知其所終故曰雖螻蟻梯稗瓦礫泉淪禽獸草木無不在也物物者無物然而天下黎庶日用猖狂而莫知

太冲篇第四

太冲至妙森兮泯兮其道深際若水之變也動其无狀之狀著龜筮卜莫朕其祥浩然泊心玄洞萬方蕩然有形運轉無常流行於善時澆濛自得無為也无迹也合乎天倫詐巧偽情狂狂伋伋莫可測量其用也

(223) A A 36-6